

Radio Ploania: le Radio dla Ploania (frecuenza 93 MHz) ti porta ince a chi co mess sté a ciasa les festes de dljia te ciasa. I sperun ch'i podeise l'aldí bun. Pal Radio de Ploania taca ince Radio Sacra Famiglia con so program religios. Da sen ennant él ales 6:15 da doman ince da aldí les mognes da Loretto co preia, con sr. Monica da San Martin y sr. Olga da San Ciascian. (*Signor degan Iaco Willeit*)

KVW Senioreclub: en dedemesaledema ai 11 d'aurí ales 15:00 s'encuntun tal salf dla Raiffeisen. Al roará adalerch le diacon Hermann Pirpamer, co deida tal Kenia, a tigní en referat sora l'Africa.

“Das Ruhegebet” (www.ruhegebet.de): en vendres ai 13 d'aurí, ales 19:30, vegnel tigní a Oies na sera d'enformaziun sora cōsta vedla forma d'oraziun cristiana tal chit, ince conesciūda desco “Herzensgebet” o “Jesusgebet”. Referent é P. Cyrill Greiter OCist (preo dla cōra St.Vigil - Meran/Untermals). Sce al é assá porsones enteressades gnarál tigní n picio curs con d'atri dui termins. Al ven perié da se anunzié pa Renate Pescolderung cina ai 10 d'aurí, ☎ 338 1300787 ince sce an ó ma tó pert ala sera d'enformaziun.

La Portina por l'assistenza y la cura organiseia dai 9 ai 23 d'aurí tal Raiun Sozio-sanitar a Picolin n curs por familiars co fej le guern a ciasa con na ligna de referac:

- **en lõnesc, 9 de aurí** ales 20:00: presentaziun dai sorvisc sanitar y soziai co deida fá le guern; enformaziuns sön i sorvisc, i sostegns desvalis y sön les portines por porsones assistides con le Sorvisc d'Assistenza infermieristica, l'Assistēza a ciasa, le Team de valutaziun por le encadramont (Pfllegesicherung) y la Portina por l'assistenza y la cura
- **en dedemesaledema, 11 d'aurí** ales 20:00: „Co pón pa prevení les tomades?” con Valeria Moling y Karin Tavella, infermieres
- **en lõnesc, 16 de aurí** ales 20:00: „Le bot al ciorvel (Schlaganfall) - sintoms, terapia y prevenziun” con le dr. Gregorio Rungger, neurologh tal Spitol da Bornech
- **en dedemesaledema, 18 de aurí** ales 20:00: „Angst und Depression im Alter – temes y depresciun tla terza eté” con dr. Anton Huber, psicologh tal spitol da Bornech
- **en lõnesc, 23 de aurí** ales 20:00: cōsc pói, cōsc dessi mangé, cōsc mo fej bun - alimentaziun por jont atompada con Silvia Pitscheider, dietologa.

Les 5 seres é ponsades desco curs por n grup stlüt, porchel él emportant da tó pert a dōtes les encuntades; le cost é de 20,00 € a porsona. Preitambel prenotésse anter i 6 d'aurí, ☎ 0474 524552.

Envit ala sontada dla Munt de Fanes: dūc chi co va a munt sön Fanes e periés da gní ala sontada anuala co ven tignida en sabeda 7 d'aurí ales 20:00 tla ostaría Gran Ciasa a La Pli.

Bona Pasca a dūc canc tla pêsc de Crist rosserí.

Döt le bun a:	Giovanna Pedevilla, <i>Bornech</i>	* 04.04.1934
	Gustl Winkler	* 04.04.1937
	y a dūc chi co á santennom y complesc i agn cōst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Pian: 0474 501006
Radio de Ploania: 93,00 MhZ



VAL BADIA
www.unitepastorala.org

Alleluia! Alleluia! Alleluia!

📖 **St.Ap 10, 34a.37–43 | Col 3, 1–4 | 1 Cor 5, 6b–8 | Jan 20, 1–18**

Dal Vangelo do San Jan:

¹Le pröm de dal'edema, é Maria da Mágdala jüda da doman adora, canch'al ea ciamó scür, fora dala fossa y á odü che la pera ea tuta demez dal sepolcher. ²Ara é saltada debota da Scimun Pire y dal discepul, a chel che Gejú ti ore a bun, y ti á dit: An á tut le Signur fora de sepolcher, y i ne san nia, olach'an l'á motü. ³Danló é Pire y l'ater discepul jüs ia y fora y é roés fora dal sepolcher; ⁴ai ea saltés entrami deboriada, mo deache l'ater discepul ea plü asvelt co Pire, é chel roé por pröm dal sepolcher. ⁵Al s'á cufé jö y ete y á odü les fascas de lin ia por tera, mo al n'é nia jü ete. ⁶Dertan ea ince roé adalerch Scimun Pire, co ti gnea do, y é jü ete tal sepolcher. Al á odü les fascas de lin ia por tera ⁷y la peza dal assös co ea stada söle ce de Gejú; ara n'ea nia pa les fascas de lin, mo dlungia, lobrida adöm te n post despartí. ⁸Spo é ince jü ete l'ater discepul, co ea roé por pröm dan le sepolcher; al á odü y á cordü. ⁹Ai ne capía nia ciamó la Scritōra, che al messá pö ressorí dai morc. [...]

Oraziun dal de

Periun! Dio onipotent y etern, cōsc é le dé che t'as desdrüt la mort tres to Fi y che te nes as daurí le tru tla vita eterna: renoveiesse tres to Spirit, nos ch'i zelebrun söa ressureziun, ch'i ressoriunse tal lominus de Gejú Crist ressorí. El co é Dio y vir y regneia con te tl'unité dal Spirit Sant por dūc i secui dai secui. – Amen.

(Lezionar B)



📖 **Letōres dla Secunda domegna de Pasca - Domegna blancia**
St.Ap 4, 32–35 | 1 Jan 5, 1–6 | Jan 20, 19–31

Edema liturgica dai 01.04. ai 08.04.2018

DOM 01.	GRAN FESTA DE PASCA Irene, Hugo, Gilbert
08:30	salüde ala festa, "Vidi aquam", gran messa ciantada solena por döta la ploania, benedisciun dal signé, ♫ Robert Führer, "Festmesse in C" <i>oferta por i debojügnis dla ploania</i>
→ 15:00	♫ espi da festa con orchestra y benedisciun eucaristica
Lön 02.	LÖNESC DE PASCA Francesch de Paola, Maria d'Egit
08:30	gran messa por † signor Merch Graffonara, ploan s.m. por vis y defonti dla familia de Sotrú ♫ Charles Gounod, "Missa brevis in C"
Ded 03.	dl'otava de Pasca Richard, Elisabeth Koch
07:30	s.m. en onú de Santa Maria da Lourdes s.m. por les Püres Armes
Dem 04.	dl'otava de Pasca Isidor, Konrad, Heinrich Richter
18:00	s.m. a Al Plan
Jöb 05.	dl'otava de Pasca Vinzenz Ferrer, Crescentia, Iuliana
19:30	→ de d'oraziun do vocaziuns s.m. por † Teodolinda Promberger Trebo, Bolser s.m. por † Herbert Morlang, Parü s.m. do intenziun dla fam. Isidor y Frieda Agreiter, Brach
Ven 06.	dl'otava de Pasca, pröm vendres Zelestin, Sisto, Wilhelm
→ 18:45	signor ploan va a proveder
19:30	poscibilité da se pissié s.m. d'aniversar por † Maria Kehrer ved. Vollmann, Slugher s.m. por † Germano y Maria Frontull, Mareo funziun al Sacher Cör
Sab 07.	dl'otava de Pasca Jan Baptist de la Salle, Albert
→ 07:30	s.m. por † Margareth Baldissera, Roje s.m. por † Mattia Astner, Ciasanea
DOM 08.	Secunda domegna de Pasca - Domegna blancia Walter, Beata
08:30	Domegna dla misericordia de Chelbeldio gran messa por döta la ploania <i>oferta por le fonds de solidarieté por le clerus</i>
ampola:	por la fam. Ploner, Plazores
ministronc:	▶ da doman y domegna: Rosina Konrater y Lucia Burchia ▶ da sera y domegna: Rafael y Cecilia Ellecosta
i recordun:	Maria Kehrer ved. Vollmann + 04.04.2017 Emma Ellecosta Croni, Tront + 05.04.2009



Pasca: önn en scrai su: alleluia! (Jan 20, 1-18)

I ponsi do

Al é le de plü bel y emportant dal ann y dla storia dal monn: Gejú é rosserí! Al n'é nia ma en gran miraco: al é soradöt na creaziun nea, le meter man de na umanité nea.

La ligreza emplesc nosc cör y se sbürta a testimonié a düc ci ch'i án odü y aldí: Le Signur é rosserí, Chelbeldio sará dagnora pa nos.

I preii ensciö

Alleluia, alleluia, alleluia.
En scrai de ligreza emplesc encö le monn entier.
Al peia ia dal cör, azica i slef y arjunj vigne porsona söla tera. "Ciodi seise pa tan encontonc?" podess damané checossia. "Mo co, ne saste nia? Gejú é rosserí, al ví, al é entres con nos! Al á davagné y superé la mort, le dolur, le picé y döt le mal sön cösc monn!"

Ciárasse fre, ciáresse so, che te vas por les strades dal monn: sen aste na speranza nea, no dé do ala stancheza, encö aste la sora rajiun co te fej vire y speré ennant: Gejú! I podun se fidé de el, al é en compagn co manten les empormetüdes, en Dio co é dla pert dla vita.

Walter Cazzaniga, Parola amica – Il Vangelo della domenica per ragazzi



Gott allein hat die Kraft

„Wer könnte uns den Stein vom Eingang des Grabes wegwälzen?“ (Mk 16, 3b)
Ein schwerer Stein drückt oft auf unser Herz. Bekannte Redensarten wie: "Jetzt ist mir aber ein Stein vom Herzen gefallen" oder "Nun habe ich mein Gewissen erleichtert" erinnern uns immer wieder daran. Wer hat die Kraft, unsere Trauer von unseren Herzen zu nehmen?

Am dritten Tag nach der Kreuzigung Jesu gehen Frauen zu seinem Grab. Sie sind voller Trauer und Hoffnungslosigkeit. Sie stellen sich die Frage, wer wohl den schweren Stein von der Öffnung der Felsenkammer wegrollen wird! Sie treten vor das Grab und bemerken: Der Stein verschließt es nicht mehr. Das Grab ist leer, Jesus lebt! Wer hat die Macht dies zu vollbringen?

Gott allein hat die Macht! Für ihn ist kein Stein zu schwer. Heute genauso wie damals. Der Glaube an die Auferstehung Jesu gibt Hoffnung und Zuversicht. Angst und Trauer sind menschlich. Aber dennoch nur ein Übergang. Denn der Tod hat nicht das letzte Wort. Der Glaube daran begleitet uns durch das Leben.

Regenbogen



Lönesc de Pasca – Romagn pa nos, Signur! (Lc. 24, 13-35)

Nos sun düc desco i dui discepuj sön le iade a Emmaus. Emmaus é pordert endlunch. Le tru da jí danló é le tru de vigne cristian, le tru de vigne porsona. Sön nostes strades é Gejú ressorí nosc compagn de iade, zonza ch'i le conesciunse. "Ne se vardea nia le cör tal piet, canch'al baiâ con nos sön tru y nes spiligâ les Scritöres?" se dijea önn al ater i discepuj da Emmaus.

Ince nosc cör mess se daurí sö y "pié fû" canch'i encuntun Gejú, canch'i tolun sö te nos söa Parora y so Corp. Emplís con le fû dla fede te Gejú Crist ressorí orunse porté so amur fora por le monn.

Benedet XVI°